

Taabwa - Biweme-Bibiipile Akua Malembo - Good-Bad Mind Scriptures

Biweme Akua Malembo - Good Mind Scriptures

Marko 5:15 Lubaafikile kuli Yesu, baamwene ozo muntu waali wali ni myela waikeele, wavwele ngubo ni maano akue ali sie bwino, ni bo baunvwile mwezo.

Luka 8:35 Bantu baile kumona byaakitikile. Lubaafikile kuli Yesu, baile kusanga olia muntu waafuminue na myela waikeele mu kyeni kyakua Yesu, wavwele bwino, ni milangue yakue yonse yali sie nga kale. Bantu bonse baatiinine.

Miilo ya Batumua 17:11 Baba Bayuda ba ku Beroya baali batonene sana kutwilizia kukila Bayuda ba ku Tesalonika. Baapokeleele keebo kakua Leza bapoozeleko ni maano, kibili baali basambilila malembo kubalua busiku kuti bamone kine belia byaali byalandala Paulo byaali bya kisinka.

Miilo ya Batumua 20:19 Naali namubombela Mulopue mukwikeefia konse, mukulila nakolosia ni menozi, ni mu maavia onse andinaleetelua na Bayuda.

BaRoma 7:25 Nakutasia we Leza pa mulandu wakua Mulopue wetu Yesu Kristu! Evi i vindi. Mu mutima mwane ntonene kumubombela Leza. Inzi bumuntu bwane bwene butonene sie kubombela bibalo.

BaRoma 8:6 Kukita mutoneene bumuntu kulikwaleeta nfua. Inzi kukita mutoneene Mweo Muzuuke kulikwaleeta bukose ni mutende.

BaRoma 8:27 Ni Leza amwene mu mitima yetu, amanine Mweo viaumiine kulomba, pantu Mweo Muzuuke aliwalombela bantu bakua Leza nga mutoneene mwine Leza.

BaRoma 11:34 Nga mulimwalandila Malembo nangue "Nani amanine maano akua Leza? Nani aliwavinda kumusoka?

BaRoma 12:2 Tekwambule mibeele ibi ya mu keno kyalo, Leza amyalule ni kupilibula malanga enu. Pantu papo i pamwaakamana bintu bitonene Leza, bimuwamiine ni bipwililikile.

BaRoma 12:16 Be mwaweme ku bonse, tekuye mwali na kiitoni, inzi ipeelee mukubombela bantu basikindeeme. Tekwimone kuya mwali bantu ba maano.

BaRoma 14:5 Unge kuti wamona nangue bobu busiku i bukindeeme kukila bunge. Unge ni ye kuti wamona nsiku yonse kuya yalingheene. Kubalua muntu asininkizie paimaniine mu mutima mwakue.

BaRoma 15:6 evi mwe bonse muye mwamulumba Leza Se kwa Mulopue wetu Yesu Kristu.

1 BaKorinto 1:10 Mwe bakwane, namilomba mu Liina Iyakua Mulopue wetu Yesu Kristu kuti muye mwaunvwana pasili kupusana. Namipaapaata muye mwapwililikile mu buumo ni mu malanga pamo ni mu mapange.

- 1 BaKorinto 2:16 Malembo alandile evi, "Ati, nani amanine malanga akua Mulopue? Nani alikuvinda kumusoka Mulopue?" Inzi fwefue tuli ni Mweo wakua Kristu.**
- 2 BaKorinto 7:7 Tetwaakoseleziiziwe sie na kwiza kwakue, kibili twaakoseleziiziwe pantu mwaamukoseleziizie. Kibili waatubwilile vimuli ni nkulu ikata ya kutumona. Kibili waatubwilile vimwaalapiile, ni vimuumiine kunandilako. Keki i kinsansamukiile sana.**
- 2 BaKorinto 8:12 Pantu kine mwabuula pa bintu bimukwete ni kupeela mwawamiinue, mupalile kumana nangue Leza aliwapokelela bupe bwenu. Wene tatonene kuti mumupeele bintu bimusikwete. (1 Kronika 28:9)**
- 2 BaKorinto 9:2 Nene nmanine nangue mwemue mutonene kuya mwakwasia, kibili ndinamiitankila. Ndinabaana bantu ba ku Makedonia nangue, "Bakwetu ba mu Akaya baiteaniizie kukwasia kutula ozu mwaka waapwile." Kukinkimana kwenu kwakikinkizia bantu bengi pakati kabo.**
- 2 BaKorinto 13:11 Mwe bakwane napela papo! Be mwasansamukile, kebe kuya mwapwililikile, kite belia binaamyanine, be mwali mu buumo mu byonse bimulimwakita, ikale mu mutende, Leza wa ntono ni wa mutende abe pamo nenu.**

BaEfeso 4:23 Mitima yenu ni maano bipalile kuba bya lenu mu musango uweme,

BaFilipi 2:2-5 Kansi namikonkobezia kuti muye mwansansamusia na kuya mwali na mutima umo, na kutonana, na mweo umo ni malanga amo. 3 Tekuba mwakita kantu mukulwisyania ni mu katono, inzi be mwafuukile ku benenu, tekumone nangue mwemue i bakilile benenu. 4 Kibili byonse bimulimwakita, biye byawamiine bantu bonse, te bya kuya byamiwamiine sie mwemue bunke. 5 Mutima wenu uye wapaleene sie na mutima wakua Kristu Yesu:

BaFilipi 4:2 Namupaapaata Euodia ni Sintike kuti baye bapwene muli Mulopue.

BaFilipi 4:7 Ni mutende wakua Leza upitile maano onse, waya wamisungile mitima ni maano enu muli Kristu Yesu. (Isaya 26:3)

BaKolosai 3:12 Muli bantu bakua Leza waamitonene, kibili waamisaakwile na kutona kwakue mwine ni kumizuukia. Kansi, vwale nkumbu, ni buwame, ni kwikeefia, ni bufuuke, pamo ni kusipikizia.

2 BaTesalonika 2:2 Tekuvulunghane kale mu mitima yenu ao kutiiniwa na kulanda nangue Busiku bwakua Mulopue tebusyaizile. Pange kilangakeenue nangue twaalandile evio musita utwaali twabikula ao kusimikila, ao nangue twaalembele evio mu lupapulo.

2 Timoteo 1:7 Pantu Mweo utwaapeelue na Leza te Mweo wakutuleetela mwezo, inzi ni Mweo uliwatuleetela maka ni ntono pamo ni kuteekamana.

Tito 2:6 Kibili baane balumendo ni bo baye baitiimine.

BaEbrania 8:10 Keki i kipingo kinaakapinghana na Baizraeli Iwaakapua ezio

nsiku, nangue Leza: Naakabiika Mizilo yane mu milangue yabo ni kwilemba mu mitima yabo. Naakaba Leza wabo, ni bo baakaba bantu bane.

1 Petro 1:13 Kansi, lyonse be mwaiteaniizie ni kuba mwalabukile, kibili be mwapoozele maano pa mapalo a mwaakapaalua Iwakamoneka Yesu Kristu.

1 Petro 5:2 Keki i kinamyanina kuti muye mwali basungi ba libumba limwaapeelue na Leza, ni kulilabukila mwawamiinue nga vitonene mwine Leza pasili kupatikiziwa. Bombe bwino mwilo wenu. Tekuba mwabombela sie kusaziiwa, inzi bombe mwatonene na mutima wenu onse.

2 Petro 3:1 Mwe batonua bane, lolu lupapulo lunamilembela i lwa bubili. Mu mpapulo yonse ibili ndimukumilangulusia totu twebo evi muye mwali ni malanga aweme.

Yakobo 1:17 Kubalua kyabupe kiweme ni kipwililikile, kilikyafuma kuli Leza Kalenga wa misaniko ya mu muulu asiliwaaluluka, ni kisue kyakue tekizi kuzima. (Yobu 23:13)

Nfyulo 17:9 "Papa pakebelue mulangue ni maano. Mitue kilooba, i tupili kilooba pekeele olia mwanakazi. Kabili ezi mitue kilooba, i makolo kilooba.

Bibiipile Akua Malembo - Bad Mind Scriptures

Marko 7:21 Pantu bintu bilibyafuma mu mitima ya bantu ni bebi: Malanga abi, ni bupungue, ni Iwibo, ni kwipaya, ni bukende, (Ezekiel 38:10)

Luka 12:29 "Tekusambookele bya kulia ao bya kumina.

Miilo ya Batumua 12:20 Herodi waakilile kufiitilua bantu ba ku Tiro ni ba ku Sidona. Ni bo baamwene kuti batume mikenzi ya kuya kumonana nakue. Ezi mikenzi yaunvwenenke ni Blasto mubombi wa mu nghanda ya bukolo kuti akabakwasie. Baile kuli Herodi kumulomba mutende, pantu bantu ba mu kekio kyalo baali bafumia bilio ku kyalo kyakua likolo.

Miilo ya Batumua 14:2 Inzi balia Bayuda baasyazumiine, baasomenkeziizie Bazima ni kubalenga kuba balwani ba bazumizi.

BaRoma 1:28 Pantu baba bantu baakeene kumwinika Leza. Ni pakako, Leza waabalekelele kukita belia bisipalile kukita pa mulandu wa malanga abo abiipile.

BaRoma 8:6,7 Kukita mutoneene bumuntu kulikwaleeta nfua. Inzi kukita mutoneene Mweo Muzuuke kulikwaleeta bukose ni mutende. 7 Pantu balia balibakita mutoneene bumuntu i balwani bakua Leza. Baba bantu tebezi kunakila Mizilo yakua Leza. Kabili tebali na buvinde bwa kuinakila.

BaRoma 11:20 Ee, kili sie bwino. Elia misambo yaasoozwelue pantu teyaali na kiketekelo, inzi wewe usimpile mu kiketekelo kyobe. Tekutonokua, inzi ba wakataliile sie.

2 BaKorinto 10:5 tulitwainoona kiitonni kilikyalwisia mulangue wakua Leza,

tulitwalengia malanga a bantu amunakile Kristu.

2 BaKorinto 11:3 Inzi ndinatiina maano enu akeeza kufumiwa mu kisinka ni mukwipeela kwenu muli Kristu nga evelia Eva viabeepelue na bukengezi bwakua kizoka.

BaEfeso 2:3 Ni fwe bonse twaali twali nga bene mu Iwinso Iwetu Iwa bumuntu, twaali twakita byonse kukonkana ni kutona kwa mibili yetu mutwaali twamweneene. Kibili twaali bantu baali bapalile kukandua na kikonko kyakua Leza nga bange.

BaEfeso 4:17 Kibili, namisoka mu Liina lyakua Mulopue: Tekutwalilile kwikala nga bantu basimanine Leza, bantu bali ni malanga a mpuni,

BaKolosai 1:21 Kale mwemue mwaali mwali kule ni Leza, kibili mwaali balwani bakue pa mulandu wa bintu bibiipile bimwaali mwalangakana ni kukita. (Bipalo 21:27; Ezekiel 23:17)

BaKolosai 2:18 Tekulekelele kupingulua na muntu wa kiitoni aliwalanda nangue aliwamona bimonua ni kuya waemia mubili wakue mu kwizilika, kibili pantu aliwapepa bamalaika koku walombwelue na mibeele yakue ya kale ya bibalo.

1 BaTesalonika 5:14 Mwe bakwetu twamikonkobezia kuti musoke bananghani, mukoselezie balia batoobokele, mukwasie banake ni kuya mwateekameene pa bantu bonse.

2 BaTesalonika 2:2 Tekuvulunghane kale mu mitima yenu ao kutiiniwa na kulanda nangue Busiku bwakua Mulopue tebusyaizile. Pange kilangakeenue nangue twaalndile evio musita utwaali twabikula ao kusimikila, ao nangue twaalembele evio mu lupapulo.

1 Timoteo 6:5 ni bikanza bisilibyapua bilibyafuma ku bantu benoonekele mitima ni basiketekeele. Bene balibalangakana nangue mu mpupo i muli bunonsi.

2 Timoteo 3:8 Baba bantu balibalwisia kisinka nga evelia vyalwisiiziwe Musa na Yane ni Yambre. Baba bantu tebali na mulangue, kibili tebali na kiketekelo,

Tito 1:15 Unvua, kubalua kantu kasambikile ku balia basambikile. Inzi tekuli kantu kasambikile ku balia basisambikile ni basizumiine, pantu maano abo ni malanga abo abiipile.

BaEbrania 12:3 Languluke viasipikiziizie lualwisiiziwe na bantu ba bibalo. Kansi tekutooboke ao kuswapulukua.

Yakobo 1:7/8 Muntu wa ozu musango tekuti aye waketekeele kupokelela kantu kuli Mulopue, pantu muntu wa mitima ibili tali na paimaniine.